

“Өсвөр-Үе хүнс” НӨҮГ

# ТҮҮХЧИЛСЭН ЛАВЛАХ

“ӨСВӨР ҮЕ ХҮНС” НӨҮГ

2010-09-08

Улаанбаатар хот

Нэрийн өөрчлөлт

№	Нэрийн өөрчлөлт	Он
1	Ажилчны районы сургууль цэцэрлэгүүдийн нэгдсэн аж ахуйн төв	1980-1992 оны 06-р сар
2	Хан-Уул дүүргийн сургууль цэцэрлэгүүдийн хангамж үйлчилгээ хариуцсан “ЦАГААН-ЛАВАЙ” ББХК ОНӨ	1992 оны 06-р сараас 1997 оны 04-р сар
3	“ХАН-УУЛ” хангамж НӨҮГ	1997 оны 05-р сар -2006-06-р сар
1	Найрамдлын районы сургууль цэцэрлэгүүдийн нэгдсэн аж ахуйн төв	1980-1992 оны 06-р сар
2	Баянзүрх дүүргийн сургууль цэцэрлэгүүдийн хангамж үйлчилгээ хариуцсан “ БАЛЧИРХАН” ББХК	1992 оны 06-р сараас 1997 оны 04-р сар
3	“БАЛЧИРХАН” НӨҮГ	1997 оны 05-р сар - 2006 оны 06-р сар
1	“ӨСВӨР-ҮЕ-ХҮНС” НӨҮГ	2006 оны 07-р сарын 01 өдөр

Тайлбар : Хан-Уул дүүргийн цэцэрлэг сургуулиудын хангамж үйлчилгээ хариуцсан “Хан-Уул” хангамж НӨҮГ, “Баянзүрх” дүүргийн цэцэрлэгүүдийн хангамж үйлчилгээ хариуцсан “Балчирхан” НӨҮГ-дыг НИТХТ-чдийн 2006 оны 06-р сарын 21-ний өдрийн 154 тоот тогтоолоор татан буулгаж , тэдний өмч хөрөнгөн дээр суурилан мөн өдрийн 154 тоот тогтоолоор “ӨСВӨР ҮЕ ХҮНС” НӨҮГ-ыг байгуулж дээрх НӨҮГ-дын үйл ажиллагааг хариуцуулан ажиллуулхаар болсон байна.

НЭГ.ХӨМРӨГ ҮҮСГЭЧИЙН ТҮҮХ

1965 онд Улаанбаатар хотын хороодод шинэчилсэн зохион байгуулалт хийж хотын таван район байгуулж дээрх районуудын АДХГЗ –ны дэргэд Боловсролын хэлтэс байгуулагдаж хотын АДХГЗ-ны дэргэдэх гэгээрлийн хэлтсийн харъяалалд ажиллаж байсан сургууль цэцэрлэгүүдийн нягтлангуудыг райодын боловсролын хэлтэст шилжүүлснээр район бүрт 6-8 нягтлантай , сантехникийн ажил хариуцсан 1 механик , цахилгаан шугам сүлжээ хариуцсан дунд мэргэжлийн монтёр 1-тэйгээр тус тус ажиллаж эхэлцгээсэн байна.

Нийслэл хот жилээс жилд хот төлөвлөлтийн дагуу өргөжин тэлж ,хүн амын төвлөлрөл улам нэмэгдэж , сургууль цэцэрлэгүүд олноор бий болж ачаалал эрс нэмэгдэн тэдний өдөр тутмын санхүү аж ахуйг удирдахад төвөгтэй болж ирсэн тул 1970 оны үед байгуулагдсан санхүү аж ахуйн тасгийг өргөтгөн бүх районуудын боловсролын хэлтсүүдийн дэргэд БНМАУ-ын Сайд нарын зөвлөлийн 1979 оны 389-р тогтоолыг үндэслэн Улаанбаатар хотын АДХ-ын гүйцэтгэх захиргаа ,Ардын Боловсролын Яам,Сангийн Яамны шийдвэрээр 1980 оны 07-р сарын 01ны өдрөөс сургууль цэцэрлэгүүдийн нэгдсэн аж ахуйн төвүүд байгуулагдсан байна.Дээрх аж ахуйн төвүүд нь район бүрт өөр өөрийн бие даасан байр,агуулах



складтай,цэцэрлэг сургууль бүрт өдөр тутам хэрэглэгдэх хүнсний материалаас гадна ариун цэврийн хэрэглэл материал,бичгийн хэрэглэл,засвар үйлчилгээний хэрэглэгдэхүүн зэрэг тэдэнд шаардагдах бүхий л хэрэглэл материалаар хангаж анхан шатны тооцоо тоо бүртгэлийг гардан хариуцдаг төв байхаар зохион байгуулагдан ажиллаж ирсэн байна.

Аж ахуйн төвүүд нь дарга, ахлах нягтлан 1 тооцооны нягтлан 8 , аж ахуйн нярав 6 ,кассын нярав 1, түгээгч нярав 4,жолооч 2, үйлчлэгч 3,бичээч 1,манаач 3,слесарь 2, зэрэг гуч гаруй ажиллагсадтайгаар тус бүрдээ гуч орчим байгууллагад өдөр тутам шаардагдах хэрэгцээт материал хүргэж өгөхөөс гадна цэцэрлэг сургуулиудын нийт ажилтан ажилчдын цалингийн тооцоог хүртэл төвлөрүүлэн бодож олгох ажлыг хариуцдаг байв.Ийм зохион байгуулалтанд орж ажилласнаар сургууль цэцэрлэгт ажиллаж байсан нябо ,морь тэрэгчин ,слесарь зэрэг олон орон тоо цомхотгогдож , 1980 –аад оны үеийн ханшаар жилдээ цалингийн фонд гурван зуу гаруй мянган төгрөгөөр хэмнэгдэж байсан байна.

1990 оноос улс орон даяар их өрчлөн байгуулалт явагдаж түүний үр нөлөөгөөр үндсэн хууль өөрчлөгдөж түүнд нийцсэн аж ахуйн нэгж компанийн тухай шинэ хууль гарснаар нэгдсэн аж ахуйн төвүүд бүтэц зохион байгуулалтын хувьд өөрчлөгдөж компанийн зохион байгуулалтаар ажиллах болсон билээ.Ингээд дүүрэг бүрийн дэргэд ажиллаж байсан цэцэрлэг сургуулиудын нэгдсэн аж ахуйн төвүүд татан буугдаж, дүүрэг бүрийн засаг даргын захирамжаар тус бүрдээ бүрэн бус хариуцлагатай компаниуд байгуулагдаж ,дүүргийн засаг даргын захирамжаар компанийн захиралуудыг тус бүрд нь томилсон байна. Ингээд 1992 оны 06-р сард Хан-Уул дүүргийн засаг даргын захирамжаар нэгдсэн аж ахуйн төв татан буугдаж түүний суурин дээр “ЦАГААН-ЛАВАЙ”ББХК байгуулагдаж захиралаар нь тус дүүргийн 15-р сургуульд захиралаар ажиллаж байсан н.Мягмар томилогдсон байна.Мягмарын дараа тус компанийн захиралаар 1995-2002 онд П.Ганбаатар, 2002-2005 онд Уртнасан,2005-2006 онд Ц.Одонтунгалаг нар захирлаар ажилласан байна.Мөн 1992 оны 06-р сард Баянзүрх дүүргийн засаг даргын захирамжаар тус дүүргийн нэгдсэн аж ахуйн төв татан буугдаж , түүний хөрөнгө суурин дээр мөн дүүргийн засаг даргын захирамжаар “БАЛЧИРХАН”ББХК байгуулагдаж захиралаар нь тус дүүргийн 8-р сургуульд захиралаар ажиллаж байсан Д.Баттөмөр томилогдож 2006 оны 07-р сар хүртэл ажилласан байна.

Дээрх компаниудын үйл ажиллагаа жилээс жилд өргөжиж хөрөнгө санхүү эргэлтийн хөрөнгийн хувьд томоохон өөрчлөлт гарч түүнтэй холбогдох хуулиудад зохих өөрчлөлтүүд орсноор 1997 оноос компаниудын харъяалал ,өмч хөрөнгө нийслэлийн өмчид бүртгэгдэх болсноор нийслэлийн өмчит үйлдвэрийн газрууд болсон түүхтэй.Иймээс дээрх үйлдвэрийн газрын өмч хөрөнгө захиран зарцуулах ерөнхий эрх нь нийслэлийн иргэдийн хурал,засаг даргад шилжсэн байна.Ингэснээр дээрх компаниудын үйл ажиллагааг өргөтгөх,хариуцлагыг төвлөрүүлэх зорилгоор 2006 оны 06-р сард НИТХТ-чдийн 154 тоот тогтоолоор дүүрэг бүрийн дэргэдэх “АСГАТ”,“БАЛЧИРХАН”,“ТАХИЛТ”, “ХАН-УУЛ” хангамж , “СҮХ-ЖАНЖИН” УУГ-дыг татан буулгаж тэдгээрийн суурин дээр дээрх тогтоолоор “ӨСВӨР-ҮЕ-ХҮНС” , “АСГАТ” , “БАГАЧУУД” хүнс нийслэлийн өмчит үйлдвэрийн газруудыг байгуулсан түүхтэй юм.Ингээд 2006 оны 07-р сараас тус үйлдвэрийн газрын захирлаар Ц.Дангаасүрэн томилогдон ажиллаж байна.

“ӨСВӨР ҮЕ-ХҮНС” нийслэлийн өмчит үйлдвэрийн газар нь 2006 оноос захирал,ерөнхий нягтлан ,тооцооны нягтлан, менежерь,эрүүл ахуйч эмч,нярав, үйлчлэгч, жолооч зэрэг 14 ажилтантайгаар Баянзүрх,Хан-Уул дүүргийн 45-н цэцэрлэгт хүмүүжиж



судалгаа 9000 гаруй хүүхэд багачуудад өдөр тутмын хэрэгцээт хоол хүнсний материал тасралтгүй хүргэж үйлчлэх үндсэн үүрэгтэйгээр ажлаа хэвийн явуулж байна.

### ХОЁР:ХӨМРӨГИЙН ТҮҮХ

Тус Нийслэлийн Өмчит Үйлдвэрийн Газрыг байгуулагдахад татан буугдсан “Балчирхан” компани нь өөрт холбогдох бүх бичиг баримтыг Нийслэлийн Архивын газар хүлээлгэн өгсөн байсан. Харин “Хан-Уул хангамж” компанийн архивын баримт нь эмх цэгцгүй байсан бөгөөд “Өсвөр-Үе хүнс” НӨҮГ-аас 2008 оны 3 дугаар сард Нийслэлийн Архивын газар хүлээлгэн өгсөн. “Хан-Уул хангамж” компанийн материалд Нийслэлийн архивын газрын архивч Н.Амархүү эрдэм шинжилгээ боловсруулалтын ажлыг хийсний үр дүнд лавлагаа мэдээллийн ач холбогдолгүй, хугацаа дууссан, илүү хувь зэрэг 1977-2003 оны баримтаар 5 хн-д устгах хэргийн акт үйлдэж, нийт байнга хадгалах 1981-2006 оны 67 хн, түр хадгалах 1998-2006 оны 107 хн, 70 жил хадгалах цалингийн 1975-1997 оны 109хн, 70 жил хадгалах боловсон хүчний холбогдолтой 21хн нийт 304 хадгаламжийн нэгжийг Нийслэлийн архивын газар хүлээлгэн өгсөн болно.

Тус компанийн 2006 оны хагас жилээс 2009 оныг дуусталх хугацааны баримтыг 2010 оны 1 дүгээр улиралд өөрийн компанийн архивт хүлээн авсан.

Байгууллагын дэргэдэх ББНШК-ыг захирлын 2010 оны 02 дугаар сарын 16-ны өдрийн 01 тоот тушаалаар комиссын даргаар менежер Ж.Цэцэгмаа, нарийн бичгийн дарга архивын ажилтан П.Намжилмаа, гишүүн ерөнхий нягтлан бодогч Н.Цэрэнбанзад, эрүүл ахуйч Б.Хулан нарын 4 хүний бүрэлдэхүүнтэй томилон ажиллаж байна.

ББНШК-ын анхны хуралдаанаар комиссын ажиллах дүрэм, Архивын дүрэм, хөтлөх хэргийн нэрийн жагсаалт зэрэг асуудлыг хэлэлцсэн болно.

Архивын ажилтан П.Намжилмаа 2006-2009 оны баримтанд Нийслэлийн архивын газрын мэргэжилтний заавар зөвлөгөөний дагуу эрдэм шинжилгээ боловсруулалтын ажлыг хийж байнга хадгалах 2006-2009 оны 25 хн, түр хадгалах 2006-2009 оны 92 хн, 70 жил хадгалах боловсон хүчний болон цалингийн холбогдолтой 8хн нийт 125 хадгаламжийн нэгжийг бүртгэж хүлээн аваад байна.

### Хөмрөгийн баримтын тодорхойлолт

Тус байгууллагын архивт 2006-2009 оны байнга хадгалах хадгаламжийн нэгж /Захирлын тушаал, хурлын тэмдэглэл, бизнес төлөвлөгөө, төлөвлөгөөний биелэлт, аудитын тайлан, гэрээ контракт/, 2006-2009 оны түр хадгалах хадгаламжийн нэгж / ирсэн, явуулсан бичиг, харилцахын баримт, кассын баримт, хүнсний материалын тайлан, цэцэрлэгээс авсан санал асуулга, шинжилгээний бичиг/ 70 жил хадгалах хадгаламжийн нэгжид / цалингийн карт, боловсон хүчний холбогдолтой тушаал/ зэрэг баримтуудыг үдэж, хадгаламжийн нэгжийн бүртгэл үйлдэн зориулалтын бус сейфэнд хадгалж байна.

Манай байгууллагын тухайд санхүүгийн ажилтнууд мэдээ судалгаа гаргах, аудитын байгууллагад баримт хүлээлгэн өгөх зэргээр тайлан, тэнцэл цалингийн холбогдолтой баримтыг архиваас түр хугацаагаар авч ашиглаж байна.